

廣弘明集卷第十一

唐西明寺釋道宣撰

冠一

辨惑篇第二之七

唐上廢省佛僧表

廢省佛僧箴附前表彈

破邪論并序

唐上廢省佛僧表

并箴附

太史令朝散大夫臣傅奕上減省寺塔廢僧
尼事十有一條

臣奕言臣聞羲農軒頊治合李老之風

譚曰詩云

上以風化下下以諷刺上老子在周爲守書
藏吏如今秘書官也本非天子有何風化令
羲農上帝虞夏湯姬政符周孔之教
公孔子曰周易之合治是國臣上述虞夏之教下化澆薄之民亦非人王不得自爲教主豈令虞夏四君却符周孔之雖可聖有先後道德不別君有公革治術尚同竊聞八十老父擊壤而歌十五少
教耶

童鼓腹爲樂耕皆讓畔路不拾遺孝子承家忠臣滿國然國君有難則徇命以報讎彈曰
忠臣何得有難田常六卿之徒不應起逆也父母有病則終身以側侍豈非曾參閔子之友庠序成林墨翟耿恭之儔相來羽翊彈曰二十九代止一曾參漢高已前獨推閔子成林之言無實羽翊之事太過矣乃有守道含德無欲無求

奏本虛事太過矣
彈曰州吁叔段不能守道夏桀殷紂唯事貪求寵辱若驚職參朝位
驚季氏陽貨亦居朝位荆山鼎上攀附昇龍

綠氏壇邊相從駕鶴瑤池王母之使具禮來朝碧海無夷之神周行謁帝所以然者當此之時共遵李孔之教彈曰黃帝昇龍蓋是三周穆之時許此李老未出之前孔丘無復是名之日不應返遵老教却習孔書者也而無胡佛故也
彈曰汝既稱無佛亦不得有道自漢明夜寢金人入夢傳毅對詔辨曰胡神
彈曰周世不來傳反稱無五逆重殃自貽永劫也後漢中原

未之有信
辭曰虛過魏晉夷虜信者一分
彈無

卷四

未之有信彈曰虛魏晉夷虜信者一 分彈曰禮樂
衣冠晉朝始備汝旣謗作融托弗齋而起並

衣冠晉朝始備汝旣謗竺融託佛齋而起逆言夷虜中夏是誰矣

詔夷虜中更誰知
外高詔仰荷而走
逃竄王東昌正明而叛
馬持立西土
彈

這裏的東西品種很多，而粉蒸肉是正西二日

時人嘆曰：「融生謗涼，雲川結本聚，太呂仰光，曾征返若符主國，破漢

居江右霸在湖洲亦不內僭叛居西土也

陸其曰後女胡滋盛太半秦華熏出于末故

卷之三

栗世有緣行
於斯門、
受禿丁刑戒儒士

基一則允氏用與吾議曰吾紳遭忍辱之日

學中僅訛女胡語服儒士貴金口之談

頤桂次德之處并得同抱耕為晉先縣
寧

類蟲哥耶之喪之臭同魚臭遇者分看發

蟲聲揚汝鱗肆聽之必知喪本過者寧無

不失香何面唾天自受其辱斯言信矣多尔

廣置
彷中
藍壯
麗非
業歲
豐曰
尤造
善生
之天
固之
吹火
力役

卷之三

丘蜀坐尼胡
箴曰爭運身手
童華夏之共通

曰猶生沙古儀像聖尊也

集蓄僧之僞衆
種箴曰禪子草緣之神動淳民之

金石三千之聖衆重以

耳目索營私之貨賄，歲三憲信心之耳目也。

發食器之貨財也

正點綴剪作溼祀之旛。金銀散周舍利。

之家箴曰女工羅綺造讀命之謡立之而三

之場巧匠金銀起碎身之塔造
不精添麪半

第一五冊 廣弘明集

一五二四七三

四七三

勿度小禿長揖國家

譚曰昔嚴子陵不拜天子趙元叔長揖司空典籍稱其美也況沙門是出世福田釋氏爲自外高士欲令拜謁違揖處深理不可也

足忠臣宿衛宗廟則大唐廓定作造化之主

百姓無事爲羲皇之民

譚曰造化之世人不輸租賦皇之民鼓腹而卧聖明在上豈信

崔皓姜斌之詞者臣奕誠惶誠恐

譚曰事君盡忠

言而有信聞奏不實罪有所歸誣罔國家終須伏劙豈誠惶誠恐能了者矣

謹上益國利民事十有一條如左謹言

譚曰汝如汝

武德四年六月二十一日

上秦王論啓

沙門法琳等啓琳聞情切者其聲必哀理正者其言必直是以窮子念達其言勞人願歌其事何者竊見大業末年天下喪亂二儀渺
黯四海沸騰波震塵飛丘焚原燎五馬絕浮江之路七重有平壘之歌烽燧時警羽檄覽

馳關塞多虞刁斗不息道消德亂運盡數窮轉輸寔繁頭會箕歛積屍如莽流血爲川人不聊生物亦勞止控告無所投骸莫從百姓苦其倒懸萬國困其無主豈圖法輪絕響正教陵夷聖上興弔俗之心百姓順昊天之命爰舉義旗平一區宇當時道俗蒙賴華戎胥悅於是叶天地而通八風測陰陽而調四序和邦國序人倫功蓋補天神侔立極降雲雨而生育開日月以照臨發之以聲明紀之以文物恩霑行葦施洽蟲魚方欲重述九疇再敷五教興石渠之學布庠序之風遠紹軒羲近同文景功業永隆不知手之舞之足之蹈之者矣竊見傳奕所上之事披覽未遍五内分崩尋讀始周六情破裂嗚呼邪言惑正魔辯逼真猶未足聞諸下愚況欲上千天聽但

奕職居時要物望所知何容不近人情無辜起惡然其文言淺陋事理不詳辱先王之典謨傷人倫之風軌何者夫人不言言必有中夫子曰一言合理則天下歸之一事乖常則妻子背叛觀奕所上之事括其大都窮其始末乃罔冒闕庭處多毀辱聖人甚切如奕此意本欲因茲自媒苟求進達實未能益國利人竟是惑弄朝野然陛下應天順時握圖受籙赴萬國之心當一人之慶扶危救世之力夷兇靜難之功固以威蓋前王聲高徃帝爰復存心三寶留意福田預是出家之人莫不感戴天澤但由僧等不能遵奉戒行酬報國恩無識之徒非違造罪致令傳奕陳此惡言躋踊痛心投骸無地然僧尼有罪甘受極刑恨奕輕辱聖人言詞切害深恐邪見之者因

卷

五

此行非案春秋魯莊公七年夏四月恒星不現夜明如日即佛生時之瑞應也然佛有真應二身權實兩智三明八解五眼六通神曰不可思議法號心行處滅其道也運衆聖於泥洹其力也接下凡於苦海自後漢明帝永平三年夢見金人已來像教東流靈瑞非一具在漢魏諸史姚石等書至如道安道昇之輩圖澄羅什之流並有高行深解當世名僧盡被君王識知貴勝崇重自五百餘年已來寺塔遍於九州僧尼溢於三輔並由時君敬信朝野歸心像教興行於今不絕者寔荷人王之力也世間君臣父子猶謂恩澤難酬昊天不報況佛是衆生出世慈父又爲凡聖良醫欲抑而挫之罪而辱之不可得也仰尋如來智出有心豈三皇能測力包造化非二儀

可方列子云昔商太宰嚭問孔丘曰夫子聖人歟孔子對曰丘博識強記非聖人也又問三王聖人歟對曰三王善用智勇聖非丘所知又問五帝聖人歟對曰五帝善用仁信聖亦非丘所知又問三皇聖人歟對曰三皇善用時政聖亦非丘所知太宰大駭曰然則孰爲聖人乎夫子動容有間曰西方之人有聖者焉不治而不亂不言而自信不化而自行蕩蕩乎民無能名焉若三王五帝必是大聖孔丘豈容隱而不說便有匿聖之愆以此校量推佛爲大聖也老子西昇經云吾師化遊天竺善入泥洹苻子云老氏之師名釋迦文直就孔老經書師敎佛處文證不少豈奕一人所能謗讟昔公孫龍著堅白論罪三王非五帝至今讀之人猶切齒已爲前鑑良可悲

夫主上至聖欽明方欲放馬休牛式闇封墓興皇王之風開釋老之化狂簡之說尤可焚之若言帝王無佛則大治年長有佛則虛政祚短者案堯舜獨治不及子孫夏殷周秦王政數改諱墻內起逆亂相尋爾時無佛何因運短但琳預居堯世日用莫知在外見不便事恐蕃國遠聞謂華夏無識夫子曰言滿天下無口過行滿天下無怨惡言之者欲使無罪聞之者足以自誡傳奕出言不遜聞者悉驚有穢國風特損華俗謹錄丹欵冒以啓聞伏惟大王殿下天挺英靈自然岐嶷風神穎越器局含弘好善爲樂邁彼東平溫易是歡更方西楚加以阿衡百揆式序六條德旣塞惟仁兼裂網開康莊之第坐荀卿之賓起脩竹之園醸文雅之客莫不詩極緣情而賦窮

體物信可譽形朝野美貲前英者焉但琳等
內顧閩如方圓寡用念傳奕下愚之甚媿凡
僧禿丁之呵惡之極也罪莫大焉自尊盧赫
胥已來天地開闢之後未有如奕之狂勃也
不任斷骨痛心之至謹錄奕害事輒述鄙詞

卷一

七

件答如左塵蹟威嚴伏增殞絕謹答

武德五年正月

奕云海內勤王者少樂私者多乃外事胡佛
內生邪見剪剃髮膚廻換衣服出臣子之門
入僧尼之戶立謁王庭坐着膝下不忠不孝
聚結連房且佛在西域言妖路遠統論其教
虛多實少捨親逐財畏壯慢老重富強而輕
貧弱愛少美而賤者年以幻惑而作藝能以
矯誑而爲宗旨然佛爲一姓之家鬼也作鬼
不兼他族豈可催驅生漢供給死胡賤此明

珠貴彼魚目違離嚴父而敬他人何有跪十
箇泥胡而爲卿相置一盆殘飯得作帝王據
佛邪說不近人情且佛滑稽大言不及旃孟
奢侈造作罪深桀紂入家破家入國破國者
也

對曰夫出家者內辯親愛外捨官榮志求無
上菩提願出生死苦海所以棄朝宗之服披
福田之衣行道以報四恩立德以資三有此
其之大意也若言佛爲胡鬼僧是禿丁者案
孔子經書漢魏以來内外史籍略引孔老師
敬佛處文證如左以咎邪人冀其伏罪
道士法輪經云若見沙門思念無量願早出
身以習佛真又云若見佛圖思念無量當願
一切普入法門太上清淨消魔寶真安志智
慧本願大戒上品經四十九願云若見沙門

尼當願一切明解法度得道如佛老子昇玄
經云天尊告道士張陵使往東方詣佛受法
道士張陵別傳云陵在鶴鳴山中供養金像

轉讀佛經

昇玄又云東方如來遣善勝大士詣太上曰

如來聞子爲張陵說法故遣我來看子語張
冠一陵曰卿隨我往詣佛所當令子得見所未見
聞所未聞陵即禮大士隨往佛所

老子西昇經云吾師化遊天竺善入泥洹智
慧觀身大戒經云道學當念旋大梵流影宮

禮佛昇玄經云若有沙門欲來聽經觀齋供
主不得計飲食費過截不聽當推置上坐道
士經師自在其下昇玄又云道士設齋供若

比丘來者可推爲上座好設供養道士經師
自在其下若沙門尼來聽法者當隱處安置

推爲上座供主如法供養不得遮止也化胡
經云願採優曇華願燒旃檀香供養千佛身
稽首禮定光

又云我生何以晚泥洹一何早不見釋迦文

心中常懊惱靈寶消魔安志經云道以齋爲

先勤行當作佛勤行登金闕故設大法橋普

度諸人物老子大權菩薩經云老子是迦葉
菩薩化遊震旦又靈寶法輪經云葛仙公生
始數日有外國沙門見仙公禮拜兩手抱持
而語仙公父母曰此兒是西方善思菩薩今

來漢地教化衆生當遊仙道白日昇天仙公
冠一自語弟子云吾師姓波闍宗字維那訶西域
人也

仙公請問衆聖難經云葛仙公告弟子曰昔
與釋道徵竺法開張太鄭思遠等四人同時

發願道微法開二人願爲沙門張太鄭恩遠
願爲道士

仙公起居注云于時生在葛尚書家尚書年
逾八十始有此一子時有沙門自稱天竺僧

於市大買香市人怪問僧曰我昨夜夢見善
思菩薩下生葛尚書家吾將此香浴之到生
時僧至燒香右達七巾禮拜恭敬沐浴而止
仙公請問上經云與沙門道士言則志於道
上品大戒經校量功德品云施佛塔廟得千
倍報布施沙門得百倍報

昇玄內教經云或復有人平常之時不肯作
福見沙門道士說法勸善了無從意云
道士陶隱居禮佛文一卷

智慧本願大戒上品經曰施散佛僧中食塔
寺一錢已上皆二萬四千倍報功少報多世

世賢明翫好不絕七祖皆得入無量佛國
仙公請問經云復有凡人行是功德願爲沙
門道士大博至後生便爲沙門大學佛法爲
衆法師

復有一人見沙門道士齋靜讀經乃笑曰彼
向空吟經欲何希耶虛腹日中一食此罪人
也道士乃慈心喻之故執意不釋死入地獄
考毒萬苦

仙公請問經云五經儒俗之業道佛各歎其
教大歸善也

太上靈寶真一勸誠法輪妙經冠一云吾歷觀諸
天從無數劫來見道士百姓男子女人已得
無上正真之道高仙真人自然十方佛皆受
前世勤苦求道不可稱計

法輪妙經云道言夫輪轉不滅得還生人中

大智慧明達者從無數劫來學已成真人高仙自然十方佛者莫不從行業所致也

右錄道經師敬佛文如前

案周書異記云周昭王即位二十四年甲寅歲四月八日江河泉池忽然泛漲井泉並皆溢出宮殿人舍山川大地咸悉震動其夜五色光氣入貫太微遍於西方盡作青紅色周昭王問太史蘇由曰是何祥也由對曰有大聖人生於西方故現此瑞昭王曰於天下何如由曰即時無他一千年外聲教被及此土昭王即遣鑄石記之埋在南郊天祠前當此

之時佛初生王宮也穆王即位三十二年見西方數有光氣先聞蘇由所記知西方有聖人處世穆王不達其理恐非周道所宜即與相國呂侯西入會諸侯於塗山以禳光變當

此之時佛久已處世至穆王五十三年壬申歲二月十五日平旦暴風忽起發損人舍傷折樹木山川大地皆悉震動午後天陰雲黑西方有白虹十二道南北通過連夜不滅穆王問太史扈多曰是何徵也對曰西方有大聖人滅度衰相現耳穆王大悅曰朕常懼於彼今已滅度朕何憂也當此之時佛入涅槃也史錄曰吳太宰嚭問於孔子曰孰爲聖人乎孔子曰西方之人有聖者焉不治而不亂不言而自信不化而自行蕩蕩乎民無能名焉

焉

右錄孔書稱歎佛文如前

奕云僧尼六十已下簡使作民則兵強人衆奕云寺多僧衆捐費爲甚結是寺舍請給孤老貧民無宅義士三萬戶州唯置一寺草堂

土塔以安經像遣胡僧二人傳示胡法奕云

西域胡者惡泥而生便事泥丸今猶毛躁人

面而獸心土梟道人驢驃四色貪逸之惡種
佛生西方非中國之正俗蓋妖魅之邪氣奕
云庖犧已下二十九代父子君臣立忠立孝
守道履德生長神州得華夏正氣人皆淳朴
以世無佛故也

奕云秦起秦仲三十五世六百三十八年

奕云帝王無佛則大治年長有佛則虐政祚
短自庖犧已下二十九代而無佛法君明臣
忠國祚長久

奕云未有佛前人民淳和世無篡逆者

奕云佛來漢地有損無益入家破家入國破

國

奕云趙建武時有道人張光反梁武時僧先

^{卷一}

^{十一}

反況今僧尼二十萬衆須早廢省

一答廢省僧尼事者

對曰夫形迹易察而真偽難明自非久處未
可知矣昔遠法師答桓玄書云經教所述凡
有三科一者禪思入微二者諷詠遺典三者

興建福業然有興福之人不存禁戒而迹非
阿練者或有多誦經文諷詠不絕而不能暢
說義理者或有年已宿長雖無三科可紀而
體性真正不犯大非者以此校量取捨難辨
案出家功德經云度一人出家勝起寶塔至
于梵天何者人能弘道自利利他潔已立身
住持三寶津梁七世資益國家請有罪者依
法苦治無過者爲國行道

一答毀寺給民草堂安像

對曰法流漢地五百餘年寺舍僧尼積世已

有龕塔堂殿皆是先代興營房宇門廊都由信心起造或爲存歿二親及經生七世求將來勝報種見在福田咸出彼好心非佛僧課立書云成功不毀故子產不毀伯夷之廟夫子謂之仁人況佛爲三界良田四生父母唯可供養不可第一毀除佛雖去世法付人王伏惟陛下再造生民重興佛道即是如來大檀越主請遵漢明永平之化近同文帝開皇之時一答西域胡者人面獸心貪逆惡種佛生西方妖魅邪氣者

魏主亦生夷狄然並應天明命或南面稱孤或君臨萬國雖可生處僻陋形貌鄙麤而各御天威人懷聖德老子亦託牧母生自下凡何得以所出庸賤而無聖者乎夫子云君子之居何陋之有信哉斯言也僉曰有道則尊豈簡高下故知聖應無方隨機而現尋釋迦祖禰蓋千代輪王之孫刹利王之太子期兆斯赴物感則形出三千世界之中乃南闍浮提之大國垂教設方但以利益衆生爲本若言生在羌胡出自戎虜便爲惡者太昊文命皆非聖人老子文王不足師敬

對曰案史記歷帝記王儉目錄及陶隱居年紀等云庖犧氏蛇身人首大庭氏人身牛頭女媧氏亦蛇身人頭秦仲衍鳥身人面夏禹生於西羌文王亦生西羌簡狄吞鷦卵而生楔伯禹割母脣背而出伊尹託自空桑元氏

案地理志西域傳言西胡者但是葱嶺之東三十六國不關天竺佛生之地若知妄說何罪之深若不知浪言死有餘責
一答庖犧已下二十九代父子君臣立忠立

孝守道履德稟華夏正氣者

對曰史記淮南等云黃帝時蚩尤銅頭鐵額作亂天下與黃帝戰于坂泉以登帝位蚩尤逆命復戰涿鹿之野凡經五十二戰顓頊時

冀公作亂頭觸不周山天柱折地傾危顓頊

定

又誅三苗於左洞庭右彭蠡汲冢竹書云舜

囚堯於平陽取之帝位今見有囚堯城舜又

與有苗戰于丹水之浦堯上射九日落其鳥

羽楚詞十日代出流金鑠石繳大鳳於青丘斬脩蛇於洞

庭戮封豕於大澤殺九麪於凶水尚書云洪

水滔天懷山襄陵黎民阻飢百姓昏墊禹時

百姓各以其心而植谷子退耕於野三苗不

修德政禹親滅之夏桀之居左河濟右太華

伊闕在其南羊腸背其北焚皇圖殺龍逢囚

成湯縱妹喜修政不仁湯放滅之湯凡九征

二十七戰大旱七年河洛竭流銷金燼石高

宗伐鬼方三年殷紂辛迷惑妲己恣十惡之

害流五虐之刑剖賢人之心剗孕婦之腹囚

文王禁箕子周武王伐紂於牧野血流漂杵

誅之鹿臺王親射紂躬懸頭太白之旗而夷

齊非之不食其粟孔子曰武盡美矣未盡善

也武王之世三監作亂成王之日二叔流言

宣王六月出征詩云薄伐獫狁至于太原採

薇遣戍役云北有獫狁之難西有昆夷之患

採芑又云宣王南征

冠

對曰上來所道並是三皇已下三王之時必

能守道履德懷忠奉孝爾時無佛足可清平

何爲世世興師兵戈不息至於毒流百姓殃

及無辜乃爲姚石慕容永嘉之世豈名蕩蕩

無爲之時邪見失言一何謬矣

一答秦仲已下三十五世六百餘年者

對曰史記云自殷已前諸侯不可得而譜爲多失次第年代難知故尚書但以甲子爲次第而無年月者良以史闕不記也邪見乃始於秦仲迄于二世有六百餘年者一往似長出何的證案春秋已前秦本未有春秋已來始有秦伯當春秋時秦仲時雖漸霸但是周之小邑孝王之世令非子放馬於汧渭之間不承天命未有正朔曾孫秦仲宣王之世始受車馬侍御之臣仲孫襄公以送平王東遷進爵爲伯文公已下始見史記自茲訖滅不過二百餘年史記竹書及陶公年紀皆云秦無曆數周世陪臣故隱居列之在諸國之下何因得有年紀續至胡亥史記但從厲公列之一百一年終于二世縱有年代皆附春秋

自無別紀赧王之末秦昭襄王因周微弱始滅周國僭號稱王諸史相承秦唯五世四十九年齊祕書楊玠史目云秦自始封至滅凡三十五世六百餘年者蓋取始封秦號經六百餘年非霸統中國經多年也邪見乃延秦短祚冒上長年一何虛妄哉

一答帝王無佛年長有佛祚短自庖犧已下爰至漢高二十九代君明臣忠者

對曰夫理貴深據言資實錄何故庖犧獨治不及子孫堯舜二君位居五帝堯則翼善傳五聖舜亦仁盛聖明如尚書二典論其化民治道功業最高民無能名則天之明君也堯又廢兄自立其子丹朱不肖舜則父頑母嚚並止一身不能及嗣爾時無佛何不世世相傳遽早摩滅

隱居年紀云

夏禹治九年

羿篡十五年

外壬治三年
盤庚治九年

沃申治四年
小辛治七年

浞篡十二年

夏臯十一年

夏發十二年

對曰書云舜禹之有天下也巍巍乎其有成

功煥煥乎其有文章大禹謨云禹能卑官菲食皂帳綿衣而盡力於溝洫爲民治水於民有功若皇天輔德何爲天祚不永治止九年勘年紀云夏后相及少康之世其臣有窮羿亂凡二十六年篡夏自立當時無佛篡逆由誰

殷湯治十三年

外丁治三年

仲壬治四年

太甲治十年

沃丁治十三年

太戊治十年

七

哀王三年

思王五月

周武王治十一年
僖王五年絕嗣
匡王六年
元王八年

烈王七年

靜王六年

貞王八年

悼王一百一
日

哀王三年

思王五月

對曰湯仁不殺閼三面之網放夏桀於鳴條之野甚有仁德爾時無佛何以天曆不長外丁外壬其年轉促尚書云湯行九伐太甲五征伊尹立湯子勝又立勝弟仲壬又放太甲于桐宮汲冢書云伊尹自篡立後太甲潛出親殺伊尹而用其子既稱忠朴之世爾時無佛何爲釀起蕭牆君臣無道

對曰武王伐紂師渡孟津白魚入舟應天嘉

命謚法曰剋定禍亂曰武民賴來蘇式間封

墓休牛放馬治致太平汝言無佛年長何因
祚短治十一年懿王僖王更復絕嗣周武滅
佛壽祚更窮子孫拔猖須臾運徙

秦五世六君四十九年

昭王五年

滅周後始稱
王在位五年

孝文王式一年

襄王楚三年

始皇政三十七年 胡亥三年

殤帝子嬰四十六日

對曰周顯王五年秦穆公始霸三十四年秦
權周政竹書云自秦仲之前本無年世之紀
陶公並云秦是篡君不依德政次第不在五
運之限縱年長遠終非帝王以短爲長指虛
爲實有何意見秦時北築長城備胡僞殺扶

蘇矯立二世陳勝蟻聚作亂關東

漢高祖十二年

惠帝七年

文帝高祖第四子非嫡

武帝本膠東王景帝第六子非嫡

漢初凶奴入塞烽火照甘泉宮南越不賓乃
習水戰

孝景時吳楚七國皆反昭帝崩立兄子

昌邑王即位二十七日凡有一千一百
二十七罪霍光廢之後立宣帝此時無

佛何爲乃爾

後漢凡十二帝一百九十五年

光武三十三年 孝明十八年

章帝十三年 和帝十七年

安帝十九年 順帝十九年

桓帝二十一年 靈帝三十一年

獻帝三十年

對曰後漢書云光武撥亂反政明帝致治升
平民無百里之憂吏無出門之役麒麟入圍
神鳳栖桐赤雀文龜蒼鳥白鹿嘉瑞備臻兆
民胥悅慶垂沕汨磅礴之恩布十九通天漏泉之

澤論衡等書並云後漢嘉祥不慙周夏汝言

有佛祚短何故長年

隱居云自魏皇初元年至蕭齊之末凡二百
八十二歲

拓跋元魏一十七君合一百七十九年爾時
人皆得紹其王業據其土地自相征伐屠戮
十五人凡八國胡兵合有一千八百九十一
人國況今大唐僧尼二十萬衆共結胡法足
得人心寧可不備預之哉

對曰檢漢書西域傳云且末小宛等八國並
是葱嶺已東漢域胡國計去長安不經萬里
本非天竺佛生之地又無僧尼在中謀逆縱
彼造惡何關此僧但奕狂鬼入心外興邪說
虛引往事假謗今賢達者知其浪言愚人必
生異見惑亂朝野深可痛哉

孝王復殺思王三王共立一年

出陽珍史目陶公年紀

奕云西域胡旦末國兵三百二十人小宛國

兵二百人戎盧國兵三百人渠勤國兵三百
人依耐國兵三百五十人郁立師國兵三百
三十人單相國兵四十五人孤胡國兵四

一答佛來漢地有損無益入家破家入國破國漢明之時佛法始來者

大唐聖朝正信君子論曰諸佛大人遊涅槃之妙苑住般若之真空不可以言象求不可以情慮揆形同法性壽等太虛但應物現身如水中月所以瞿師見三尺之貌羅漢觀丈

六之容大滿虛空小入絲忽隨緣應質化無常儀尋釋迦之肇依後漢郊祀晉魏等書及王儉史錄費長房三寶錄考校普曜本行等經並云佛是周時第十五主莊王他九年癸

巳之歲四月八日乘栴檀樓閣現白象形從兜率下降中天竺國迦毗羅城刹利王種淨飯大王第一夫人摩耶之胎至十年甲午二月八日夜鬼宿合時於嵐毗園波羅樹下從摩耶夫人右脇而生放光明照三千世界

瑞應經云沸星下現侍太子生本行又云虛空無雲自然而雨左傳云星隕如雨杜氏注解云蓋時無雲然與佛經符合信知佛生時也十九出家三十成道四十九年處世說法至周匡王四年壬子二月十五日後夜於拘尸城入般涅槃自滅度已來至大唐武德五年壬午之歲計得一千二百二十一歲滅後一百一十六年東天竺國有阿育王收佛舍利役使鬼兵散起八萬四千寶塔遍闔浮提我此漢土九州之內並有塔焉育王起塔之時當此周敬王二十六年丁未歲也塔興周世經十二王至秦始皇三十四年焚燒典籍育王諸塔由此淪亡佛家經傳靡知所在如釋道安朱士行等經錄目云始皇之時有外國沙門釋利防等一十八賢者費持佛經來

化始皇始皇弗從乃囚防等夜有金剛丈六人來破獄出之始皇驚怖稽首謝焉問曰雖有此說年紀莫知以何爲證請陳其決答曰前漢成帝時都水使者光祿大夫劉向傳云向博觀史籍備覽經書每自稱曰余遍尋典

策往往見有佛經及著列仙傳云吾搜檢藏書緬尋太史創撰列仙圖自黃帝已下六代迄于今得仙道者七百餘人向檢虛實定得一百四十六人又云其七十四人已見佛經矣推劉向言藏書者蓋始皇時人間藏書也或云夫子宅內所藏之書據此而論豈非秦漢已前早有佛法流行震旦也尋道安所載十二賢者亦在七十四人之數今列仙傳見有七十二人

案文殊師利般涅槃經云佛滅度後四百五十年文殊至雪山中爲五百仙人宣說十二部經訖還歸本土入于涅槃恒星之瑞即其時也案地理志西域傳云雪山者即葱嶺也其下三十六國先來屬秦漢以葱嶺多雪故號雪山焉文殊往化仙人即其處也詳而驗之劉向所論可爲證矣雖遭秦世爇除漢興復出所以荆揚吳蜀扶風洛陽有寶塔處皆發神瑞具在衆書依檢成帝鴻嘉三年歲在癸卯劉向撰列仙傳明矣故知周世佛法久來生盲人云有佛祚短良可悼矣依經律云釋迦正法千年像法千年末法萬年五千年的還四衆學者得三達智證四道果末法已去猶披袈裟勘周書異記云穆王聞西方有佛遂乘驛駒八駿之馬西行求佛因以攘之據此而推同齊時統上法師答高麗使云佛

是西周第五主昭王二十四年甲寅歲生至武德五年得一千五百七十七年也信穆王之世法已東行劉向之言益爲明證矣又漢武帝鑿昆明池得黑灰以問東方朔朔云非臣所知可問西域胡人後外國沙門竺法蘭來因以事問蘭云是劫燒餘灰也方朔旣博識通人生知雋異無間不酬無言不答豈容不達逆記胡人蓋是方朔久知佛法興行勝人必降故有斯對也佛旣去世阿難總持一言不失迦葉結集羅漢千人咸書皮紙並題木葉致令五百中國各共奉持十六大王同時起塔逮于漢世東流二京所經帝王十有六代翻梵經本爲漢正言相承至今垂六百祀是以佛日再曜起自永平之初經像重興發于開皇之始魏人朱士行沙門衛道安等

冠一

二十三

並爲記錄總其華戎道俗合有一百八十二人所譯經律論或大小乘三藏雜記等凡二千一百七十一部總有六千四百四十六卷莫不垂甘露於四魔之境流慧日於三有之中汲引將來永傳勝業教人捨惡行善佛法最先益國利民無能及者汝言破家破誰家破國破誰國邪見豎子無角畜生夙結豺心久懷萬毒無絲髮之善負山岳之辜長惡不悛老而彌篤乃以生育之慮忖度聖尊何異尺鷗之笑大鵬井蛙不信滄海可謂闡提逆種地獄罪人傷而憫之故爲論也尋夫七十二君三皇五帝孔丘李聃漢地聖賢莫不葬骨三泉橫屍九壤未有如佛舍利現瑞放光火燒不然砧鎚不碎於今見在立試可明且據此一條足知佛法之神德也震旦諸聖孰

與爲儔乃欲毀而滅之事難容忍傷風敗俗
虧損福田誑惑生民汚點朝野實可歎矣傳
奕云佛法來漢無益世者

對曰準上以談此土先聖亦未可弘矣至如

孔子周靈王時生敬王時卒計其在世七十
餘年既是聖人必能匡弼時主何以十四年
中行七十國宋伐樹衛削迹陳絕糧避桓魋
之殺慙喪狗之呼雖應聘諸國莫之能用當
春秋之世文武道墜君暗臣姦禮崩樂壞爾
時無佛何因逆亂滋甚篡弑由生孔子乃俯
俛順時逡巡避患難保妻子終壽百年亦無
取矣或發匏瓜之言興逝川之嘆然復遜詞
於季氏傷鳳鳥不至河不出圖及西狩獲麟
遂返袂拭面稱吾道窮雖門徒三千刪詩定
禮亦疾沒世而名不稱吾何以見於後世矣

遭盜跖之辱被丈人之譏校此而論足可知
也若以無利於世孔老二聖其亦病諸何爲
訥其木舌而不陳彈也

一答寺饒僧衆妖孽必作如後趙沙門張光
後燕沙門法長南涼道密魏文孝時法秀太
和時惠仰等並皆反亂者

對曰檢崔鴻十六國春秋並無此色人出何
史籍苟生誣枉誑惑君王請勘國史知其妄
奏案前後漢書即有昆陽常山青泥綠林黑
山白馬黃巾赤眉等數十羣賊並是俗人不
關釋子如何不論後漢書云沛人道士張魯
母有姿色兼挾鬼道往來劉焉之家焉後爲
益州刺史任魯爲督義司馬魯共別部司馬
張修將兵掩殺漢中太守蘇固斷絕斜谷殺
漢使者魯旣得漢中又殺張修而并其衆于

時假託神言黃衣當王魯因與張角等相應合集部衆並戴黃巾披道士之服數十萬人賊害天下自據漢中垂三十載後爲曹公所破黃衣始滅爾時無一沙門獨饒道士何默不論然漢魏名僧德行者衆益國甚多何以

冠一

二十五

不說但能揚惡專論人短豈是君子乎魏志曰張魯字公旗祖父陵客蜀學道在鶴鳴山造作道書以惑百姓從受道者出來五斗世號米賊陵死子衡傳業衡死魯復傳之陵爲天師衡爲嗣師魯爲係師自號三師也素與劉焉善焉死子璋立以魯不順殺魯母及家室魯遂據漢中以鬼道化民符書章禁爲本其來學者初名鬼卒受道者用金帛之物號爲祭酒各領部衆衆多者名治頭有病者令首過大都與張角相似

後漢皇甫嵩傳云鉅鹿張角自稱大賢良師奉事黃老行張陵之術用符水祝法以治病遣弟子八人使於四方以行教化轉相誑惑十餘年間衆數十萬自青徐幽冀荆揚兗豫八州之民莫不必應遂置三十六方方猶將軍號也大方萬餘人小方六千人訛言蒼天死黃天當立歲在甲子天下大吉以白土書京邑寺門皆作甲子字中平元年三月五日內外俱起皆著道士黃服黃巾或殺人祠天于時賊徒數十萬衆初起潁川作亂天下並爲皇甫嵩討滅

南鄭反漢而蜀亡

出魏書

孫思習仙而敗晉

出晉書

道育醮祭因而禍宋

出宋書

于吉行禁殆以危吳

出吳書

公旗學仙而誅家

出華陽國志

陳瑞習道而滅族

事在晉陽春秋

魏華叛夫

出靈寶經序見陵

張陵棄婦

見陵

子登背父衛叔去兄

出華陽神傳見陵

右古來道士破家破國爲逆亂者略引
如前

對曰自陵三世專行鬼道符書章醮出自道家禁厭妖孽妄談吉凶姦由茲起然吳魏已下晉宋已來道俗爲妖數亦不少何以獨引衆僧不論儒道二教至如大業末年王世充李密建德武周梁師都盧明月李軌朱粲唐彌薛舉等並是俗人曾無釋氏何爲不道事偏理局黨惡嫉賢爲臣不忠明矣

奕云請胡佛邪教退還西域凡是僧尼悉令

歸俗者

對曰莊周云六合之內聖人論而不議六合之外聖人存而不論老子云域中有四大而道居其一者詩書禮樂之致但欲修序彝倫明忠列孝慈之先意在敬事君父縱稱至德

唯是安上治民假令要道不出移風變俗自衛反魯詎述解脫之言六府九疇未宣究竟

之旨及養生齊物之談龍圖鳳紀之說亦可懷仁抱信遵厲鄉之志刪經讚象肆闕里之文次曰九流末云七略案前漢藝文志所紀

冠

二十一

衆書一萬三千二百六十九卷莫不功在近益但未暢遠途皆自局於一生之內非迥拔於三世之表者矣遂使當現因果理涉旦而猶昏業報吉凶義經丘而未曉故知逍遙一部猶迷有有之情道德二篇未入空空之境

斯乃六合之寰塊五常之俗暮詎免四流浩汗爲煩惱之場六趣誼譁造塵勞之業也原夫實相杳冥逾要道之要法身凝寂出玄之又玄惟我大師體斯妙覺二邊頓遺萬德俱融不誼不寂安能以境智求非爽非昧胡可以形名取爲小則小也而無內處大則大也而無外故能量法界而興悲揆虛空而立誓所以見生穢土誕聖王宮示金色之身吐玉毫之相布慈雲於鷲嶺則火宅燄銷扇慧風於雞峯則幽途霧卷行則金蓮捧足坐則寶座承軀出則帝釋居前入則梵王從後左輔密迹以滅惡爲功右弼金剛以長善爲務聲聞菩薩儼若侍臣八部萬靈森然翊衛演涅槃則地現六動說般若則天雨四華百福莊嚴狀滿月之臨滄海千光照曜猶聚日之暎

寶山師子一吼則外道摧鋒法鼓暫鳴則天魔稽首是故號佛爲法王也豈得與衰周迦葉比德爭衡末世儒童輒相聯類者矣是以天上天下獨稱調御之尊三千大千咸仰慈悲之澤然而理深趣遠假筌蹄而後悟教門善巧憑師友而方通統其教也八萬四千之藏二諦十地之文祇園鹿苑之談海殿龍宮之旨玉牒金書之字七處八會之言莫不垂至道於百王扇玄風於萬古如語實語不思議也近則安國利民遠則超凡證聖故能形遍六道教滿十方實爲世界福田蓋是蒼生歸處於時敬信之侶猶七曜之環北辰受化之徒如萬川之投巨海考其神變功業利益人天故無得而名也旣滿恒沙之因故得常樂之果善矣哉不可測也但以時運未融遂

今梵漢殊感所以西方先音形之奉東國暫見聞之益及慈雲卷潤慧日收光迺夢金人於永平之年覩舍利於赤鳥之歲於是漢魏齊梁之政像教勃興燕秦晉宋已來名僧間出或盡滿月於清臺之側表相輪於雍門之外逮河北翻辭漢南著錄道興三輔信洽九州跨江左而彌殷歷金陵而轉盛渭水備逍遙之苑盧岳總般若之臺深文奧旨發越來

儀碩學高僧蟬聯遠至暨梁武之世三教連衡五乘並駕雖居紫極情契汾陽屏酒正而撤簾人薰戒香而味法喜恐四流而難拔躬七辯以能持乃輕袞飾而御染衣捨雕輦而敷草座於時廣創慧臺之業大啓寶塔之基梁記云東臺西府在位八十餘年都邑六寺七百餘所僧尼講衆常有萬人討論內典共達聖業孜孜無倦各狀世榮也遂令五都豪族厭冠冕而歸

依四海名家棄榮華而入道自皇王所居之土聲教所覃之域莫不頂禮廻向五體歸依利物之深其來久矣孔老垂化安能與京案三十六國春秋高僧名僧牟子等紀傳始後漢永平十年已來佛法東流政經十代年將六百名僧大德世所尊敬者凡二百五十七人傍出附見者及燕趙王公齊梁卿相等凡二百五十一人陳其行業大開十例一曰譯經二曰義解三曰神異四曰習禪五曰明律六曰遺身七曰誦經八曰興福九曰經師十曰唱導此例高僧皆德効四依功備三業法傳震旦寔所賴焉邪見噫而不論但說五三惡者夫雪山之內本多甘露亦有毒草大海之中既有明珠亦饒羅利喻崑岳缺於片石鄧林損其一枝耳復何可怪之哉

廣弘明集卷第十二

軒 頸 頸許玉切 軒頸也。顎音專。姬周姓也。徇切
項 輓 顎頸也。顎音專。姬周姓也。徇切
痾 阿 痘 淪 痘也。腫音詣。湜助角。候古侯切。雖參
阿羿浞 切羿浞並人名。緜氏山名。
贊 驂 七感切。贊音否。疋美切。讃音讚。謗也。岐疑
驂 獬 獬獨駭。贊音否。疋美切。讃音讚。謗也。岐疑
岐渠移切。巖宜力切。燕於旬切。闢去月切。
小兒有知識曰岐疑。醜合飲也。閨與關同。
也 祖 祖初患切。逆奪媯音瓜。女媯古。神聖女媯古。
慕 祖而取之曰慕。媯之神聖女媯古。
滑 稽 稽稽辯捷不窮之狀。鶴千全切。皇 古堯
稽滑音骨稽音鶴滑。千全切。皇古堯。
也 嵩 尺之切。嵩坂音繳。音酌絲繫。縗公郢。
嵩尤人名。坂反繳矢而射也。縗切。禊音薛。
凶 兄 汗兄拱虛。塾音店姐丁達切。姐剗音枯。
凶容一切。塾溺也。姐已紂妃。剗刮也。禊
犹 徧 猥音險。狃音狃。狃也。狃音狃。狃也。
猶北狄也。狃音狃。狃也。狃音狃。狃也。
芭 菜 菜音起。渭汧音幸。渭水名。

黻乃版切珍介綈音啼厚洫兄域切釁觀許
禡周王名示誅行猖齒良傷音沕沕音
于筆切沕蒲未切拓跋磅礴音磅礴普郎
水水流貌磅礴音磅礴廣被也拓跋拓跋
元魏姓拓跋音柴丑芥切長悛七全改也
晏尺鷦鷯音尾妻蟲土甘切占砧之林切
小鳥名石鉗鉗直追切鼈老子名石鉗鉗
徒回切桓遂七自切遼巡匏步交切匏
魋人名遂行不進貌跖瓜瓠也跖
音蔓盜跖孽魚列切璋音訛恩和切
柳下季也謀與牒鷺音務撒養撒切暮
同筌七全切同鷺也謀與牒撒養撒切暮
魚笱也謀與牒鷺也謀與牒撒養撒切暮
烹紓容切饔人剗音蒸剗剗不蕈與牒
烹煎和之羹也剗切及南